

Ես սիրում էի երկար կանգնել ու դիտել եկող-
գնացողներին, տաճարի պատին թեթեւակի յենւած: Անց ու
դարձ անողների թիւը շատ մեծ էր:

Ահա մի շինտօ քահանայ գլխից ցոտ սպիտակ հագած.
նրա ետեւից՝ շինականներ իրանց մեծ սնկաձեւ գլխարկներով,
եւ կամ զարդարուն մի քաղաքացի՝ հովանոցն ուսին: Նրանք
մէկը միւսի ետեւից մօտենում են տաճարի վանդակին, իրանց
լուման գցում գանձանակը ու պինդ-պինդ քաշում գանգի
թելը, որ կախ է ընկած տաճարի կտրից գանձանակի գլխին:
Զանգը մի խուլ հնչիւն է հանում: Աղօթողը երեք անգամ
ծափ է տալիս, կարծես աստծոյ ուշադրութիւնը իր վրա
գրաւելու համար, եւ սկսում է փսփսալ իր աղօթքը, ձեռքերը
իւրար շփելով: Նորից մի գանգ, 3 հատ ծափ, — եւ ճապոնացին,
վերցնելով պատին թինգ տւած հովանոցը, գնում է իր ճամփով:

Տաճարի մօտ մի այլ շէնքում կարելի է տեսնել քրմուհու
պարը:

Բօնգան դանդաղ զարկերով թմբկահարում է իր առաջը
դըւած մեծ թմբուկը: Քրմուհին ամբողջովին սպիտակ հագած
պտտւում է հանդարտ ու սահուն շարժւածքով, դէմքի սառն ու
անվրդով արտայայտութեամբ: Վերջապէս դնում է ձեռքերը
ճակատին ու քարանում, որից յետոյ բերում-տալիս է ձեզ իր
թալիսմանը. դա մի ոստիկ է սրբազան ծառից, եւ փաթաթւած
է սրբազան բառերը գրոտած մի թղթի մէջ:

Այդ պարը, որ կազուրա է կոչւում, փոխաբերական,
սիմբօլիկ նշանակութիւն ունի, որի հետ կապւած է հետեւեալ
բանաստեղծական ականդութիւնը: Արեւի աստլածուհին,
Ամատերասու, վիրաւորւած իր չար եղբայր Սուզանօից,
որ լուսին է, քաշւում է մի քարայր, ամբողջ աշխարհը
խորին խաւարի մէջ թողնելով: Բոլոր աստլածներն ու